



Տ. Տ. Վ. Ա. Զ. Գ. Ե. Ն. Ա. Վ. Ե. ՀԱՓԱՌ. ՀԱՅՐԱՊԵՏԻ Վ. Ե. ՅԵՐՈՐԴՈՒ ՈՒՂԵՎՈՐՈՒԹՅՈՒՆՆԸ ԱՐՏԱՍԱՀՄԱՆ

Մ Ե Կ Ն Ո Ւ Մ

Հունիսի 9-ին, չորեքշաբթի, Տ. Տ. Վաղգեն Ա Վեհափառ Հայրապետը ձեռնարկեց արտասահման կատարելիք իր վեցերորդ հովվապետական ուղևորության, սրտագին հրավերներով Բուլղարիայի Նորին Սրբություն Տ. Կիրիլ Պատրիարքի և Ռումինիայի Նորին Սրբություն Տ. Ժուստինիան Պատրիարքի:

Սույն ուղևորության ժամանակ ծրագրվել էր անշուշտ նաև Բուլղարիայի և Ռումինիայի թեմերի առաջնորդ գերաշնորհ Տ. Տիրայր եպիսկոպոս Մարտիրոսյանի և երկու թեմերի պատվարժան թեմական խորհուրդների սրտագին հրավերով այցելել վերոհիշյալ երկու թեմերի եկեղեցիներն ու վանքերը և անձամբ տանել այս հյուրընկալ երկիրների տակ ապրող հայ ժողովրդի հարազատ բեկորներին Մայր Աթոռ Ս. Էջմիածնի կենսարար օրհնությունը և վերածնված Մայր Հայրենիքի հայության ջերմ ողջույնը:

Ինչպես նախորդ հայրապետական ուղևորությունները, վեցերորդն էլ հանդիսանում էր նույնքան պատմական և իմաստալից իրադարձություն Սփյուռքի մեր ազգային-եկեղեցական տարիքության մեջ, մանավանդ նրանով, որ Նորին Ս. Օծությունը ծնվել ու ապրել էր ռումինական հողի վրա, գործել երկար տարիներ որպես ուսուցիչ, ազգային-հասարակական գործիչ և 1943—1955 տարիներին՝ որպես առաջնորդ Ռումինիայի թե-

մի, իսկ 1954-ից՝ նաև որպես Բուլղարիայի հայոց առաջնորդ:

Հունիսի 6-ին, կիրակի, երեկոյան ժամը 4.50-ին, Վեհափառ Հայրապետը առաջնորդվում էր Մայր Տաճար, աղոթելու բարեհաջող ուղևորության համար:

Միաբանության անունից Նորին Ս. Օծության բարի ճանապարհ էր մաղթում Տ. Սահակ արհեստագետը:

Ժամը 5-ին, Վեհափառ Հայրապետը առաջնորդվում էր Երևանի օդանավակայանը, ուր Նորին Ս. Օծության բարի ճանապարհ մաղթելու համար եկել էին Մայր Աթոռի միաբանությունը, Գերագույն Հոգևոր Խորհրդի և վերստուգիչ հանձնաժողովի անդամները, Մայր Աթոռի պաշտոնեությունը, Արարադյան թեմի թեմական խորհրդի անդամներն ու քահանայից դասը, պաշտոնական այլ անձնավորություններ և հավատացյալներ:

Վեհափառ Հայրապետին ճանապարհում էր նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահի տեղակալ պր. Ս. Հովհաննիսյանը:

Ժամը 5.30-ին ինքնաթիռը անջատվում է Հայրենի հողից, բարձրանում եթեր և ուղղություն վերցնում դեպի Մոսկվա, բոլոր ներ-



Վեհափառ Հայրապետը ժամանում է Սոֆիայի օդանավակայանը

կանների սրտագին բարեմաղթությունների մեջ:

Վեհափառ Հայրապետի սույն ուղևորության կապակցությամբ, Մայր Աթոռի դիվանի կողմից տրվում է 7 հունիս թվակիր հետևյալ պաշտոնական հաղորդագրությունը.

«Նորին Ս. Օծուխյան Ս. Ս. Վաղդեն Ա, Սրբազնազույն Կաթողիկոս Ամենայն Հայոց, Բուղարիայի Ամենապատիվ Ս. Կիրիլ և Ռումինիայի Ամենապատիվ Ս. Ժուստինիան սրբազան պատրիարքների, ինչպես նաև հայոց երկու թեմական խորհուրդների հրավերներով, հունիսի 6-ին, մեկ ամսով մեկնեց Բուղարիա և Ռումինիա հովվապետական այցելության»:

Սույն ուղևորության ժամանակ Նորին Ս. Օծուխյան ընկերակցում է Ադրբեջանի հայոց թեմի առաջնորդ գերաշնորհ Ս. Հուսիկ եպիսկոպոս Սանբուրյանը, և որպես գալազանակիր՝ Մայր Աթոռի միաբան հոգեշնորհ Ս. Գևորգ վարդապետ Սեբաղյալյանը:

Հունիսի 6-ին, կիրակի, երեկոյան ժամը 8.30-ին, Մոսկվայի Վնուկովոյի օդանավակայանում Վեհափառ Հայրապետին դիմավորում են Մոսկվայի և Հյուսիսային Կովկասի հայոց առաջնորդ գերաշնորհ Ս. Պարգև եպիսկոպոս Գևորգյանը, Մոսկվայի հայոց Ս.

Հարություն եկեղեցու եկեղեցական խորհրդի անդամներ և հավատացյալներ:

Նորին Ս. Օծուխյան դիմավորում են նաև ՍՍՌՄ Մինիստրների սովետին առընթեր Կրոնական պաշտամունքների գործերի խորհրդի նախագահի տեղակալ Ռյազանովը և խորհրդի աշխատակից Սոլովյովը:

Հայոց Հայրապետին դիմավորում է նաև Հայկական ՍՍՌ Մինիստրների սովետին առընթեր Հայ եկեղեցու գործերի խորհրդի նախագահ Կ. Դալլաֆյանը:

Հունիսի 9-ին, շոբեֆշաբբի, առավոտյան ժամը 8-ին, Մոսկվայի Շերեմետևոյի միջազգային օդանավակայանում Վեհափառ Հայրապետին և շրախմբի անդամներին ճանապարհում են Մայր Աթոռի միաբանության, Մոսկվայի հայոց եկեղեցու հոգևորականության, եկեղեցական խորհրդի անդամներ, Ս. Պարգև եպիսկոպոս Գևորգյանի ղրավորությամբ:

Ամենայն Հայոց Վեհափառ Հայրապետին ողջերթ են մաղթում նաև ՍՍՌՄ Մինիստրների սովետին առընթեր Կրոնական պաշտամունքների գործերի խորհրդի տեղակալ Ռյազանովը, խորհրդի աշխատակից Սոլովյովը և Հայկական ՍՍՌ Մինիստրների սովետին առընթեր Հայ եկեղեցու գործերի խորհրդի նախագահ Կ. Դալլաֆյանը: